

39. *Oncidium tricuspidatum*: aff. *Oncidio carinato* Knw. Westc. labello ante basin ascendentem deflexo cuneato dilatato bilobo, callo in basi rotundo tumore anteposito bilobo, columnae brachiis falcatis, rostello ornithorrhyncho bifido subaequalibus.

Pseudobulbus ligulatus monophyllus pollicaris. Folium cuneato oblongum acutum, valde coriaceum, siccum multistriatum ac favulosum, duos usque quinque pollices longum, plus unum latum. Folium stipans, inferius, vulgo melius evolutum. Vaginae stipantes pedunculi scariosae acuminatae, punctis atratis creberrimis. Pedunculus validus usque bipedalis, robustus, vaginis distantibus acutis, sursum paniculatus. Rami plures crassi, longiores, breviores. Bractee triangulae carinatae ovariis pedicellatis bene breviores seu subbreviores. Sepala ligulata acuta; lateralia supra nervum medium carinata. Tepala breviora obtusiora. Labellum basi arrectum, statim deflexum, subflabellato bifidum laciniis anticis obtusangulis, callo semiro-tundo in basi, callo simili bilobo anteposito. Columnae breviusculae tabula nulla, falces duae apicem versus rostellum ornithorrhynchum bifidum includentes. Sub fovea basin usque columnae carina mediana excurrit.

„Hülle braungelb, Lippe gelb. Alles mit röthlichen Punkten.“

Cartago in Costa Rica. 30. 3. 1857.